



UNIVERSITÄTS-
BIBLIOTHEK
PADERBORN

Universitätsbibliothek Paderborn

Iacobi Philippi Tomasini Sancti Georgij ab Alga Venetiarum Canonici Secularis De Donariis ac Tabellis Votivis Liber Singularis

Tomasini, Giacomo Filippo

Vtini, 1639

XXVII. Hortos colentium Vota.

urn:nbn:de:hbz:466:1-13253

Nympha eleganti desiderat Epigrammate:
 HVIVS. NYMPHA. LOCI. SACRI. CVSTODIA. FONTIS
 DORMIO. DVM. BLANDÆ. SENTIO. MVRMVR. AQVÆ
 PARCE. MEVM. QVISQVIS. TANGIS. CAVA. MARMORA. SOMNVN
 RVMPERE. SIVE. BIBAS. SIVE. LAVERE. TACE

CAPVT XXVII.

HORTOS COLENTIVM VOTA.

Quum nihil ad Hortorum ubertatem æquè conferat
 ut aquarum undæ ac Fontes; præter Vota Nymphis
 facta, Veneri quoq; veluti eorum tutelæ si veteribus
 fides & florum ac deliciarum matri, ut scitè Plau-
 tus, frequentia offerebantur munera. Documento est Inscri-
 ptio in pariete hortorum Sallustianorum, ubi vestigia Templi
 Veneris angusta etiam tempore Smetij exstabant.

M. AVRELIVS. PACORVS
 M. COCCEIVS. STATOCLES
 ÆDITVI. VENERIS. HORTORVM
 SALLVSTIANORVM. BASEM. CVM
 PAVIMENTO. MARMORATO
 DEANAE
 D. D. D

Hinc venustè, ut omnia, Musarum delitiæ Politianus Eleg. de
 Violis:

*Formosa à viola, Veneris munuscula nostra,
 Dulce quibus tanti pignus amoris inest.*

Floribus pariter tres alios præficebat veterum vanitas,
 Forculum, Cardeam, & Limentinum, referente D. Augustino
 Lib. iv. de Ciuit. Dei Cap. viii. Quin ipsa nominis ratio in
 argumentum est, Stirpes olim Numinibus dicatas. Parthe-
 nium quippè Mineræ, quæ *παρθένος*, id est, Virgo dicta, sa-
 cratam tradit Dioscorides Lib. iii. Cap. 156. Nec plebeis

Y 2 dun-

duntaxat animis ea in sedis cura, sed & Viros maximos ac nu-
 meris loco habitos ad se traxit, qui florum loco gratos longè
 petitos odores suæq; maiestatis monumenta Dijs sacrarunt.
 Plinij verba sunt Lib. xii. Cap. xix. Coronas ex cinnamo in terra sili
 auro inclusas primus omnium in templis Capitolij atq; Pacis dicitur Impe-
 rator Vespasianus Augustus.

Priapo sua item Olitores organia; fructus simul Pani offere-
 bant ex Epigrammatum Lib. vii. Cap. 14. Priapus enim
 Hortorum custos vigil colebatur. unde vetus marmor per-
 elegans:

HORTORVM. CVSTODI. VIGILI
 CONSERVATORI. PROPAGINIS
 DVN. TVA. POMIFERVM. CVSTODIA. PROTEGET. HORTVM
 TERRORI. ET. INFESTIS. FVRIBVS. INGVEN. ERIT
 LAMPSACIOS. MELIOR. NON. IMBVT. HOSTIA. CVLTROS
 QVAM. VENIET. NOSTRA. VICTIMA. CÆSA. MANV

Versus me hercle sapidissimi. Quid enim significantius, quàm
 cultros splendentes ac bene deterfos dixisse Lampsacios?
 Lampsaci sanè urbis nomen doctiores Grammatici non malè,
 nec longè nimis petita notatione duxerunt à λαμπάριω,
 quod nobis est Splendeo. Huius sacra vii. Cal. Augusti ce-
 lebrabantur. Ad quæ alludit Prudentius contra Symma-
 chum:

Hic deus è patrio prænobilis Hellesponto
 Venit ad usq; Italos, sacris cum tu pibus hortos
 Sinum lactis, & hac VOTORVM liba quotannis
 Accipit, & ruris servat vineta Sabini,
 Turpiter adfixo pudeat quem visere ramo.

Item Floram quàm Floribus præesset, Votis placabant.
 Hinc Florealia Festa, & Ludi Floreales impudico ritu perso-
 luti, in quibus omnia semina spargebantur, ut Tellus, veluti
 muneribus placaretur, sicuti ad Persium Satyra v. meminisse
 Cornutus: Et Ovidius Fastor. Lib. v.

Con-

*Conuenere Patres: et, si bene floreat annus,
 Numinibus nostris annua festa uolent.
 Annuus VOTIS, Consul cum Consule ludos
 Posthumio Lanas persolvere mihi.*

Nec tacenda hęc dona, quamquam vilia, quibus Vota Ver-
 tumno facta ornabantur, de quibus Propertius Lib. iv.
 Eleg. 11.

*Inscor hic soluit pomosa Vota corona,
 Cum pyrus inuiso stipite mala talit.*

CAPVT XXVIII.

PASTORVM VOTA.

Pales Dea Pastorum suos inuenit cultores, qui pro inco-
 lumitate pecorum ei uocabant. unde etiam Festa Pa-
 rilia, vel Palilia apud Romanos inuenio. Sic Caligula,
 Suetonio teste Cap. xvi. *Decretatum fuit, ut dies quo ce-
 pisset Imperium, Palilia uocaretur, uelut argumentum rursus condita V. bis.*

De Pastoribus in Melibeo Virgilius:

Hic arguta sacra pendebat fistula pinu.

Apud Tibullum pariter Lib. ii. Eleg. v. *fistula Pani Deo sa-
 crata:*

*Pendebatq; uagi pastoris in arbore VOTVM
 Garrula siluestri fistula sacra Deo.*

Nemesianus Ecl. 1. expressius:

Iam mea ruricole dependet Fistula Fauno.

Eidem ex armentis hœdum obtulit Biton Epigram. Libri cita-
 ti Cap. 7.

Pastoritios Aphros inter Vota, & primitiarum loco, aurem
 pecudis præcidere, illamq; ceruice aduersa supra domum
 abijcere: pro noctibus verò ferta, unguenta, & coronas Ve-
 neri aut Cupidini dona ferre tradit Herodotus Lib. iv. Nec
 dubito, quin armentorum simulacra Dijs suis obtulerit rudis
 sim-